









道

藏



9

第九册

道藏

李一氓



文物出版社
上海书店
天津古籍出版社

御製玄教齋醮儀文序

堂一

朕觀釋道之教各有二徒僧有禪有教道有正一有金真禪與金真務以修身養性獨為自己而已教與正一專以超脫特為孝子慈親之設益人倫厚風俗其功大矣哉雖孔子之教明國家之法嚴旌有德而責不善則尚有不聽者縱有聽者行不合理又多少其釋道兩家絕無繩紆糾繆之為世人從而不一者甚廣官民之家若有喪事非僧非道難以殯送若不用此二家殯送則父母為子孫者是為不慈子為父母是為不孝恥見隣里此所以孔子云西方有大聖人不教而治即此是也今之教僧教道非理妄為廣設科儀於理且不通人情不近其愚民無知者妄從科儀是有三五七日夜誦誦經文經乃釋道化人為善戒人為惡之言猶國家之有律令若誦經而使鬼魂聽之以發揮其善念則可若誦經而欲為死者免罪如犯刑憲而讀律令欲免其罪是為不可蓋糜費家資僧道蠢蠢之徒將以為儀範之美致使精神疲倦觀其

儀範之設於中文訛字否違者遂譏毀之所
以譏毀者佛未請三清未至輒便望壁啓聞
齋主之事僧甚至日三遍對佛宣揚道乃日
三朝而敷奏以此觀之釋迦與老子非重聽
而瞽目故煩之於再三若不如此果何理耶
勅禮部會僧道定擬釋道科儀格式通行諸
處使釋道遵守庶不糜費貧民亦全僧道之
精靈豈不美哉

洪武七年十一月

大明玄教立成齋醮儀範

序略

神龜龍馬圖書出應於明時九鳳八鸞鳴
唱密諧於妙範方寶珠之輝耀至玉局之
高呈三十六部經奧之文極披詳而莫既
五千餘言道德之旨與治化以同符自經
義隱而失真致科範傳而寢廣百家異戶
歷代盤觚唱讚繁則質實之弗專晝夜多
則精誠之必懈考之於禮樂制度既或僭
差質之於

天地神祇寧無冒瀆喜有

聖人之在上庶幾仙道之重新欽遇

皇帝陛下潔靜精微高明博厚綏萬邦見梯

航入貢總三教如江漢朝宗昭事

上帝之誠郊焉而享懷柔百神之禮感而遂

通用欽福於庶民復留神於兩教洪武七

年十一月二十三日臣宋宗其趙允中傳

同座鄧仲休周玄其等欽奉

聖旨編定道門科儀去繁就簡立成定規進

奏臣宗其等性質凡昧學識淺陋不揆率

易謹編定儀式錄彙進

呈倘經

天監出自

聖裁行之於幽顯之間有所益利實道門萬世之幸謹列品序儀文于後

大明立成玄教齋醮儀

建度亡醮三日節次目錄

第一日

發直符

灑淨 法事

三獻酒 讀開文 遣將

化財回向

揚幡

法事 白文 吟偈

誦經回向

安監壇 監齋

法事 白文 誦經回向

敷座演經

請經法事如式 誦靈寶經

生神章 救苦經 生天經

靈前召請

咒食 誦經 回向

立寒林所

法事 吟偈 召孤施食

誦經 化財

第二日

灑淨 法事 誦經

禮懺

或朝天懺或九幽懺或三官懺

靈前咒食 至晚接待孤魂施食

第三日

法事 淨壇 請師

降神通意 安鎮五方符

告符簡 開燈 召亡

沐浴更衣 參禮咒食

濟孤

施斛錄虔傳戒

設醮

法事 獻供 祭酒

請疏 送神 化財滿散

建醮一晝夜即次日錄

發直符 揚幡 安監壇

敷座演經 淨壇請師

降神通意 告符簡

開燈 召亡沐浴

泰禮况食

設斛濟孤傳戒

送亡

化財

設醮

獻供

祭酒

讀疏

送神

化財圓滿

建醮一日節次目錄

發直符

安監壇

誦經

請師

降神通意

關燈

召亡沐浴

泰禮况食

設食祭孤傳戒

設醮

獻供

祭酒

讀疏

送神

化財滿散

大明立成玄教齋醮儀

建度亡醮三日節次

第一日

發直符

呪水灑淨

洞中玄虛

晃朗太無

八方威神

使我自然

靈寶符命

普告九天

乾羅答那

洞室太玄

斬妖縛邪

殺鬼萬千

中山神呪

元始玉文

吾誦一遍

却鬼延年

按行五嶽

八海知聞

魔王束青

侍衛我軒

凶穢消散

道系常存

召將

焚符

三獻文

伏以範圍天地之道具載齊科昭回雲漢之文合先疏牘將感通於一瞬庶克享於多儀酌仙醴以浮香初筵既秩望玄都而駕景六合非遙酒在清樽謹陳初獻

伏以形而上者謂道妙莫能名聖不可知為神禮存敬享既領行持之職將勝啓告之誠望真簡之開張仙凡有間乘輿車而陟降上下無方謹運一枕用陳二獻

伏以官天地府萬物道所以尊潤風雨鼓雷寔神無不在赫若仙科之著大哉神化之靈我有械封神將省覽有煩傳達庶副懇祈庸登一忱用終三獻

讀開

建將

化財回向

揚幡

法事

白文

伏以太乙慈尊廣布汪洋之澤大千世界咸依救度之仁灑甘露以沾濡敷慶雲而覆焘今者仰遵玄號昭揭華幡赤宇垂芒普照昏

衛之明日供麻釋罪廣施法海之惠航稽首皈依稱揚讀詠

呪幡

東華妙嚴慈相億千身居長樂安坐金蓮慈光無礙照燭幽泉枯骸朽骨咸得光鮮甘露流潤通灑空玄拔度沉溺不滯寒淵

吟偈

祥雲結就此靈幡影落浮空散世間縹緲靈風繞一舉合靈俱得脫幽關

安監壇

伏以三界之中位各分於真宰一方之內功必賴於神明況此修齋當嚴翊衛恭惟監壇效職一切威靈儼然威像卓爾神靈東聰明正直之心司禍福吉凶之柄百神所範庶類咸服凡有投誠必蒙感應伏望雲旗耀日馭風馬以來臨仙仗騰空屏妖氛而肅靜證明齋事彈壓靈場法界皈依志心奉請

請神

法事

誦經

伏以道以齋為先當備潔清之供誠以禮為重尤嚴烹飪之功欲令庖饌以肅清必仗神威而監董伏冀靈游來格潛施彈壓之威法味精修茂有紛葩之氣齋功克就祀事圓成法界皈依志心奉請

請神 法事 誦經

數座演經

蓋開元始一炁化生諸天開明三景是為天根上無復祖惟道為身是知道者不可思議非有為有非無為無應現十方發育萬類如月涵眾水了然之影相俱圓猶雲飲長天廓爾之虛空無礙真常湛寂恍惚杳冥清世無方度人無量以今孝士上念亡靈幻形有盡真性常存雖平等本來不越一真之體然染緣累劫寧無三毒之塵自非觀聽於法音曷可超凌於上界是用演洞玄之妙典于以廓靈寶之慧光珠黍現時再引仙真之勃勃璇璣停處了觀大量之玄玄法泉虔恭請經如法

請經法事

誦經

靈寶度人經 生神章經

救苦經 生天經

靈前呪食

自然生神章 靈書開大有 普為諸衆生 稱揚秘密呪 奉請亡過靈 澄心恭稽首

以今施法食 惟願來歡受

奉為靈儀上資雲路往生仙界念靈寶慈惠禮請頌曰

稽首明慈虛無尊 稽首皈依重玄主

我成天地無得稱 悉為衆生作恃怙

慈悲五道轉輪迴 哀救三塗地獄苦

皈依東極青玄尊 皈依六道慈悲父

皈依三清無上尊 永離生死長綿綿

出有入虛無所待 能令枯朽便成仙

千劫萬劫難一遇 為衆廣說業因緣

迴骸起死永長存 使其形神無變遷

散消長夜苦 釋惱三塗中 華池流真香

功德不思議 一灑甘露漿 如熱得清涼

神魂生大羅 潤及於一切

奉為靈儀上資雲路往生仙界念淨懽都破

地獄離寒庭昇仙呪

茫茫鄴都中 重重金剛山 靈寶無量光

洞照炎池煩 七祖諸幽魂 身隨香雲播

定慧青蓮花 上生神永安 功德金色光

微微開幽關 華池流真香 蓮蓋隨雲浮

仙靈誦玄華 常居十二樓 急持靈寶呪

自在天堂遊 寒庭多悲苦 回首禮玄微

女青靈寶符 中山神諦書 一念昇太清

默誦觀太無 功歸九幽下 漸漸生紫虛

生魂育魄呪

靈芝無根 衆妙之源 中凝七魄 內結三魂

二十四真 出入無門 杳冥之內 恍惚原精

隨劫存亡 逐悉而生 外凝假朴 內養七真

五神棲華 三台敷榮 紫閣素童 度魂歸嬰

騰雲而昇 逐露浮空 中有玉真 號曰神翁

左挾無英 右衛白元 玄默過後 丹禽擁前

上浮翠蓋 下擁金蓮 香雲凝空 甘露無窮

用之無盡 尋源弗終

三光法炁開重樓呪

結精生法炁 氤氲凝天中 兩曜共澄澈

五緯交相通 三光煥已明 寶氣凝三宮
仙鄉會九老 嚙服百骸豐 金華照光景
身與造化同 念道合自然 萬劫壽無窮

加持法食呪

回首仰玄羅 合景托靈芒 拘魂制七魄
思審定中央 行住禮虛無 寢息宴玄房
饑飡黃碧花 渴飲瓊林漿 神精昇大羅
合體鍊真光 復照觀太無 常在空中遊
玄通派波際 真化靡中期 眇眇無終始
行有當自知 寂寥忘理教 應運聞玄微
降道不自招 要當先所施 會歸無二趣
隨心自合離

普獻法食呪

香煙散十方 花開蓮子房 審林珍果柰
仙真甘露漿 自然香厨食 瓊液妙難量
吾今普供養 逍遙上福堂
勤修大道法 精心感太冥 黃華降真炁
五臟結胎嬰 七祖生天堂 兆魂飛上清
福利無不遍 此食施衆生

誦經

化財

宣一

四向

立寒林所

吟偈

符命通冥漠 靈幡應曉風 遷神超北府
飛鳥上南宮
志心遍召三塗九夜六道四生有靈無祀男
女幽魂惟願乘三寶力三寶慈悲此日今時
來臨法會

施食接待

誦經

第二日

灑淨

法事

誦前諸經

禮懺

舉起敬讚

按人各恭敬

三皈依

志心皈依十方三寶當願亡靈起心回向一
切信禮

教生讚

道場衆等執簡當心禮懺如法 念懺

或朝天懺或九幽懺或三官懺

靈前呪食如前 至晚接孤施食

吟偈 焚符

宣一

十二

大有通玄戶 鬱單降神霄 黃雲凝靈府
陰陽氣象交

志心遍召三塗九夜六道四生士農工商文
武醫卜千行萬類百家九流有靈無祀男女
幽魂惟願乘三寶力三寶慈悲此夜今時來
臨法會

呪解

誦經

第三日

法事

呪水淨壇

請師

降神通意

安鎮五方真符

告符簡

開燈

召亡

沐浴更衣

恭禮

呪食回向

濟孤施斛

靈寶設斛科

稱揚太一救苦慈尊

焚符

灑淨

清淨道德之香無遠弗届太虛寥廓之際有
感必通以今建齋恭開建法筵普資幽爽恭
望慈光下垂開度九幽滯爽咸蒙解脫之功

六道靈魂悉迷逍遙之果法果皈依稱揚功德

稱太一救苦慈尊

伏聞一乘虛萬形出沒死復生而生復死
人爲鬼而鬼爲人輪轉無窮報償不息悲莫
悲於六道苦猶苦於四生蓋之善者難陟善
階積惡者斯歸惡道賴我玄祖拯汝沉淪廣
敷濟拔之科大啓超昇之會當陰修陽舒之
際乃神交鬼聚之時魂氣動而悲風生靈響
發而陰霧霽洪音一舉黑壤遙開仰惟紫極
玄尊青華教父指明星爲慈炬廣運照臨
梵炁作法橋大垂拯濟追魂使者告召十方
所屬地祇招延催促當願天仙道神祇道人
倫道地獄道餓鬼道旁生道羣生物命魚鱉
昆蟲不瞬息間遍高深而普告由斯須頃周
迴遍以咸知自然意感誠孚翕爾影隨響答
呼群率衆聲相應氣相求出入生眇能視
跛能履無遮無礙源源而來或後或先徐徐
而至使者運招徠之力魂兮承攝召之功所
有開業道靈音謹當吟詠

誦鄧都呪

焚召魂符

稱太一救苦慈尊

召孤 吟偈

太微迴黃旗 無英命靈幡 攝召長夜府
開度受生魂

志心遍召九州分野十類河沙雷誅天誅虎
狼傷咬刀兵屠戮產死陣亡有靈無祀男女
幽魂惟願乘三寶力三寶慈悲此夜今時來
臨法會

志心遍召投河落井洪水漂流劫火焚燒鐵
虎流陽瘟災時疫自縊刎亡有靈無祀男女
幽魂惟願乘三寶力三寶慈悲此夜今時來
臨法會

志心遍召盡十方空界遍郊野中客死之魂
橫亡之鬼枯骸朽骨男女幽魂惟願承三寶
力三寶慈悲此夜今時來臨法會

沐浴念呪

焚冥衣

焚解冤釋結符

加持斛食

五厨經

一炁和泰和 得一道皆泰 和乃無一和

玄理同玄際

不以意思意 亦不求無思 意而不復思

是法如是持

莫將心緣心 還莫住絕緣 心在真存心

真則守真淵

修離志離志 積修不符離 志而不修志

已業無已知

諸食氣結氣 非諸久定結 氣歸諸本氣

隨取當隨泄

散施斛食

念太一救苦慈尊 於此行煉 度符法

傳戒

道言戒者止也所以止人非心歸於正定故
戒生定儒者亦謂知止而後有定但三洞衆
經四輔秘典演說戒法種種不同惟無上洞
玄靈寶九真妙戒者諸戒之首天人共仰幽
顯咸遵無上之上洞玄中玄萬神之靈一氣
之寶妙貴三才戒制六情數定於陽故分爲
九修而不偽故名爲真仙凡仰之以爲城郭
幽顯資之以爲梯航靈魂受之以爲法樂然

受戒之法靜默為先持戒之法勤奉為上法
眾皈依同誦讚詠

按人各恭敬

夫三皈依者即是皈依道皈依經皈依師也
是故眾魂皆當信禮

三皈依

皈依既畢戒法將傳幽壤豁若春回寬對洪
然冰釋罪花凋落功果圓成法眾皈依當傳
九戒

第一戒者克勤忠於

君主

第二戒者敬讓孝養父母

第三戒者不殺慈救眾生

第四戒者不淫正身廣物

第五戒者不盜推義損己

第六戒者不嗔完怒凌人

第七戒者不詐詭賊害善

第八戒者不驕傲忽至具

第九戒者不二奉戒專一

妙戒靈文黃絲白簡既備敷於妙典當敬受

於靈文夫心焉難制制以九戒則可歸心於
太虛形也未超越以二符自可鍊形於上境
亡靈直須生生勿忘於戒言劫劫常持於符
券澄神物外塵緣永斷於多生受質陽間善
果自臻於有永流芳見在慶及無窮積善
尊辭進好去

誦符騰疏

送亡

化符

回向

資度設醮三獻科

誦呪

稱職位

具法位恭與臨壇法眾等謹同誠上啓

虛無自然無極大道太上老君青玄救苦慈

尊三十六部等經玄中大法師祖師正一靜

應真若祖玄真師經籍度師列位具人玄壇

應感一切威靈伏聞雲宮法界上瞻東極之

光風澤洞虛下接北陰之境考對莫逃於憲

網攝提特啓於玄科憑丹簡以出幽還神破

妄資玉眸而煉質混景成真慈尊之願力宏

深仙聖之仁心顯著屬建修之應感隨生化

以道遙紫府清都方馨仰瞻之志橫汗行潦
俯輝報效之誠仰冀馳羽清塵雲車泛景應
物隨機而顯現月印千江排空馭氣以飛翔
煙飄八極旁流慈睨鑒享恭虔謹運升衷用
陳初獻

初獻法事

伏聞無極無窮莫測虛玄之妙方生方死亦
猶夜旦之常特迷悟之有殊致升沉之各異
念黑鬱銅關之苦趣或墮拘留留瞻青玄蓮座
之慈光祈祈濟度爰遵依於仙範沐浴煉於
形魂超凌生化之無違報效獻陳之敬後蠟
臺燈葉祥開九色之輝懸席松花誠感眾真
之會踰瞻濟濟肅肅雍雍再運丹衷謹陳亞
獻

亞獻法事

伏聞冥慧洞清經教之流傳不息逍遙快樂
神魂之超化有歸極幽顯以昭蘇秉精誠而
激切恩波穆穆感霑被以深隆明水奉拳愧
獻陳之菲薄當願所薦亡魂頓除業報永斷
執緣水月光中自悟本來之性人天界上託

生福慧之身今孝士某惻忱感格行願滿圓
三災八難以消消常居吉慶百順千祥之並
集勳履光華爰罄一忱酒陳終獻

三獻法事

讀疏 送神

伏以道無棄物沐濟拔以不違禮有節文章
離陳之克滿湛湛盃香之已注沉沉漏箭以
頻催埃塵特愧於凡家願羽宜能於款駐雲
霄景象實不盡於攀瞻宇宙玄恩尚永依於
覆護等無任攀戀之至謹再拜奉送

化財 滿散

大明玄教立成齋醮儀範終

洪恩靈濟真君自然行道儀

壹二

法事如式

各禮師存念如法

金真綠霞 煥映三天 飛雲丹霄 諸天控轡
景暉啓旦 陰翳俱捐 九微震空 五星迴旋
萬仙應感 自然妙玄 杳冥散體 分形百千
玄珠光耀 瑞降壇乾 顯幽蒙惠 合景三田
和與道合真

鳴法鼓二十四通

太上玄元五靈老君召出等身中三五功
曹左右香官使者侍者金童傳言玉女直日
香官功曹使者三炁正神速上開啓查邊魏
趙刀五大元帥岳許二元帥天丁力士左右
神官臣今臨壇法事欽奉
聖旨崇修齋醮祈謝

洪恩其諸丹悃已錄告聞願得正真生炁下

降流入等身中今目所啓之言速達

九天金闕洪恩真君

九天玉闕洪恩真君

請稱法位

具位臣某與臨壇官衆等謹同誠上啓

九天金闕洪恩真君

九天玉闕洪恩真君

聖父忠武聖亮真君

聖母仁壽淑善仙妃

聖妃涇國夫人順助仁惠貞應仙妃

衛國夫人善助慈懿恭靜仙妃

聖兄聖嫂聖舅聖姑聖子聖女聖姪聖孫列

位夫人合殿聖眷查邊魏趙刀五大元帥岳
許二元帥太歲之神城隍主者本宮土地法

錄神員顯筵列聖應感威靈恭望

聖慈俯垂洞鑒日開劫初混沌包道妙以無
形氣清高澄謂天根而立極自一元之塊圪
致萬範以開張日月著明旦古今而赫赫神
祇昭布儼上下以洋洋流謙損滿以無差福

善禍淫而不謬按瓊文之繁麗開寶爰以披

宜目擊而存引朝儀而肆觀心無有二乘旦

氣以澄明珮響清風振琅音於八表煙騰香

霧結瑞氣於層霄丹與綠輦之繽紛金節羽

衣之婀娜百神受職三界臨軒以今朝修陞

壇行道誦法衆等運菰初捨上香和香至靈濟宮過九天金闕成華蓋供養

願此香煙供養

願此香煙供養

九天金闕洪恩真君靈濟宮真仙聖衆等

歸身歸命仰依真君衆聖以是捨香功德洪

惟

九天金闕洪恩真君

九天玉闕洪恩真君德合乾坤功參造化神

通妙用施靈應於八紘正直聰明翊

皇圖於億載文章炳煥雨露霑濡今故燒香

自皈依

真君大聖衆至真之德得道之後保天長存

和與道合真

大明生東小心事上燦光華而駕景極幽顯

以乘晨以今朝修陞壇行道誦法衆等運菰

二捨上香和香至靈濟宮過九天玉闕成寶

蓋供養

昭靈傳濟洪恩真君

願此香煙供養

九天玉闕洪恩真君靈濟宮真仙聖衆等
歸身歸命仰依真君衆聖以是捨香功德上
祝

皇帝陛下恭頌

壽永萬年明齊二景同文同軌車書遠被於

八紘乃聖乃神禮樂永隆於千古四鄙之干

戈寢息萬方之耕稼豐盈福佑青官介千秋

之睿算祚隆

皇極綿萬載之丕基臣鄭襄贊於雍熙藩屏

咸膺於嘉慶三時不害四海永清今故燒香

自皈依

真君大聖衆至真之德得道之後保天長存

和與道合真

清明在旦對越于天晨暉煥發於朝班陽景

光開於夜壑以今朝修陞壇行道運菰三捨

上香和香至靈濟宮過九天玉闕成寶蓋供

養

靈濟宮真仙聖衆

願此香煙供養

九天金闕洪恩真君

九天玉闕洪恩真君靈濟宮內真仙聖衆等
等皈身皈命仰依真君衆聖願以是捨香功
德歸流儲官藩屏宰輔臣僚天下人民案中

庶類伏願昭回象緯災星立退於官垣瑞應

璣衡吉曜加臨於命位咸仰熙熙之化常瞻

穆穆之容人民慈愛以齊同家國太平而有

象教科流演道化光揚今故燒香自皈依

真君大聖衆至真之德得道之後永保長生

和與道合真

唱方

懺方

三啓頌

三禮

重稱法位

具位臣某與臨壇官衆等謹重誠上啓

聖位臣聞輔萬仙而鬱秀妙合淵微作一

善以降祥應同影響道化之昭垂赫赫神靈

之降鑒洋洋有感斯通無求不應欽奉

聖旨崇修金錄昭謝

神功等俯揆風心之素仰酬道力之扶若

木大明散朝班之旭日松花克享飄靡席之
香風拳拳祀上之誠翼冀雨中之敬班聯帝
陛妙演仙科三業六塵末滌多生之咎九華
十極徒瞻列聖之光惟肆赦於愆尤庶旁流
於惠澤上願

皇圖鞏固

聖壽綿長萬方歌泰運之隆四海樂無爲之
治兵戈寢息年穀豐登以致動植飛潛洪纖
高下均沐乾坤之發育咸資造化以生成并
斗替星喜遂林泉之修習耕田鑿井欣聞衢
壤之歌謠教法興行經錄流演則上明
真君大慈之化下副百等皈命之誠謹啓以
聞

發願

復爐

香官使者左右神君侍香諸靈官當令向來
早朝之所自然生金液丹碧芝英百靈聚真
交會在此香火爐前當願精誠上達家國安
寧十方仙童玉女接待侍香煙傳日向來所啓
之言速達徑詣

九天金闕洪恩真君
九天玉闕洪恩真君聖前

洪恩靈濟真君自然行道儀

洪恩靈濟真君集福宿啓儀

壹

法事如式

各禮師存念如法

請宣神呪

東方

東方九炁 始皇青天 碧霞寶臺 中有老人
總校圖錄 攝炁舉仙

南方

南方丹天 赤帝玉堂 中有大神 號曰赤皇
上炎流煙 炁物光 神仙受命 應會太陽

西方

西方素天 白帝七門 金靈暗暎 太華流氣
白石峨峨 七炁氤氲 上有始生 皇老大神
總領肺氣 主校九天 檢定圖錄 制召上仙

北方

北方玄天 五炁徘徊 中有黑帝 雙皇太微
總領符命 仙錄八威 青裙羽褐 龍文鳳衣
上帝所奉 制到玉階

中央

中央總靈 黃上天元 始生五老 中皇高舉

攝恭監真 總領羣仙 典錄玄圖 宿簡玉文
催運上炁 普告萬神

鳴法鼓二十四通

太上玄元五靈老君召出_臣等身中三五功
曹左右香官使者侍香金童傳言玉女直日
香官功曹使者三炁正神速上開啓查邊觀
趙刀五大元帥岳許二元帥天丁力士左右
神官以今肅啓告齋建壇開事_臣等欽奉
聖旨其諸意旨已錄上聞願得
正真生炁下降流入_臣等身中今今所啓之
言速達

九天金闕洪恩真君
九天玉闕洪恩真君 聖前

請稱法位

具位_臣等今故燒香願以是功德洪惟

九天金闕洪恩真君

九天玉闕洪恩真君華壽聯輝簪纓冠世潛
天潛地獨專造化之功曰雨曰暘莫測威靈
之妙洋洋如在濯濯厥靈願洞賜於鑒觀特
俯歆於崇謝_臣等先用上祝

皇圖鞏固

聖壽綿長廓施

化育之仁垂拱大平之治以爲

儲官藩屏宰輔公卿官屬下及_臣等三師五

友異代學真谷隱巖栖門徒祭酒以至寰中

庶類天下人民動植飛潛無邊含識_臣等皈

身皈神皈命

九天金闕玉闕洪恩真君特乞消除三業六

根無邊業故得免離三災五苦八難九厄之

中身得真道歌詠太平同躋仁壽逍遙無爲

永與道合所祈玄感應聲上詣

九天金闕洪恩真君

九天玉闕洪恩真君 聖前

唱方

禮足各長跪皈命懺悔

臣法果等志心皈身皈神皈命

九天金闕洪恩真君

九天玉闕洪恩真君恭望

大慈同垂巨澤普降洪恩_臣聞

玉宇開光鳳象昭回於碧落金科演妙龍章

輝煥於赤明修之則駕景騰實用之則安人

利物重念_臣等五神蕩越六府昏迷身口意

之業塵流吹罔息精炁神之妙用混結未凝

聖祈滌雪於襟靈庶使澄澈於諸障消融五

累證妙三元端一念於黃中對揚有異聖九

霄於玄上應感無方_臣等志心稽首禮謝

九天金闕洪恩真君

九天玉闕洪恩真君 聖前

三啓頌

三禮謝

重稱法位

具位_臣等與臨壇法果代禮官等謹同誠上

啓

九天金闕洪恩真君

九天玉闕洪恩真君

聖父翊亮真君

聖母仁壽淑善仙妃

聖妃涇國夫人順助仁惠貞應仙妃

衛國夫人善助慈懿恭靜仙妃

聖兄聖嫂聖舅聖婿聖子聖女聖姪聖孫

位仙眷合殿威靈查遶趙刀五大元帥岳許二元帥今年太歲之神京都城隍本宮土地之神靈壇感降一切祇靈咸望

洪慈俯垂洞鑒等草芥微生醜難陋質幸

依昌運獲奉玄宗主典祠宮功無及於分寸

周流塵俗過有積於丘山尚祈善貸之仁克

副禱祈之請凡有開告敢不上聞欽奉

聖旨崇修清醮延奉具旂潔己齋心推誠秉

懷恭依瓊範崇建瑤壇列羽葆之綰紛扣琳

琅而振響金華散彩玉燭騰輝謝過殫誠祈

恩請命仰惟

九天金闕王闕洪恩具君降差官屬五帥神

員協力同心肅清內外蕩除兇穢遠隔妖氛

使臣等五氣安熙百開調泰操存達詣合神

景於丹元啓告感通注靈光於

紫禁善功克備齋福周圓一切含靈同沾勝

善明晨行道別具啓聞

發願

存神燒香

謹攝香官使者左右神君侍香諸靈官當令

宿建之所自然生金液丹碧芝英百靈眾真交會在此香火爐前當願精誠上達家國安寧十方仙童玉女接侍香煙傳臣向來所啓之言速達

九天金闕洪恩具君

九天王闕洪恩具君聖前

洪恩靈濟真君集福宿啓儀

鳴法鼓二十四通

太上玄元五靈老君召出臣身中三五功曹左

右香官使者侍香金童傳言玉女直日香官

功曹使者三炁正神速上開啓查遶趙刀

五大元帥岳許二元帥天丁力士左右神官

臣今陞壇法事欽奉

聖旨崇修齋醮集福

邦家其諸丹個已錄告聞願得正真生炁下

降流入臣等身中今臣所啓之言速達

九天金闕洪恩具君

九天王闕洪恩具君聖前

請攝法位

洪恩靈濟真君集福早朝儀

法事如式

各禮師存念如法

金真綠霞煥映三天飛雲丹霄諸天控轄

晨暉啓旦陰翳俱消九微震空五星回旋

萬仙應感自然妙玄杳冥散體分形百千

玄珠光耀瑞降壇乾顯幽蒙惠合景三田

和與道合真

鳴法鼓二十四通

具位臣某與臨壇官眾等謹同誠上啓

九天金闕明道達德大仙顯靈濟濟微洞

玄冲虛妙感慈惠護國庇民洪恩具君

九天玉闕宣化扶教上仙昭靈傳濟高明弘

靜冲湛妙應仁惠輔國佑民洪恩具君

聖父齊王忠武翊亮真君

聖母仁壽淑善仙妃

聖妃涇國夫人順助仁惠貞應仙妃

衛國夫人善助慈懿恭靜仙妃

聖兄唐王洪王鄂王廣陵王聖舅護國公奉

國公聖婿武安侯寧國侯聖子保大侯彰信

侯保信侯保寧侯武寧公聖姪昭德侯安定

侯太寧侯聖孫武昌侯南昌侯聖子聖孫聖

姪列位公侯唐王后明肅仙妃洪王后仁慈

仙妃鄂王后順懿仙妃廣陵王后善慶仙妃

聖女冲懿仙姬明懿仙姬聖婦善懿夫人仁

柔夫人惠順夫人昭懿夫人順恭夫人明哲

夫人恭懿夫人靖懿夫人昭穆夫人慈孝夫

人聖婦列位夫人上清大洞錄天機院雷霆

省天文院地府諸司承行官將驅邪捉祟傳

符勅法消災度厄逐凶辟怪監壇護法觀察

巡捕將軍太歲尊神十二月將本命元辰星

官風雷雨部仙眾左右丞相太宰少宰六部

尚侍內府公卿左右注生注壽上宰左右司

祿司福上宰左右侍從通事舍人百官庶司

所屬曹僚列位公卿左右福祿司所屬二十

四司曹官典左右引進仙官內侍順成夫人

昭華夫人容華夫人修容夫人修儀夫人昭

儀夫人內典婦功夫人絲枲夫人篋庫夫人

帳籍夫人度支夫人女府女史列位才人女

祝女御列位貴人內殿內侍內典列位聖眷

夫人燕喜堂內注生司天乙注生神后太乙

監生神后司祿司命上相夫人守胎衛房夫

人保胎護命夫人左右慈訓夫人保傅夫人

左右掌籍夫人掌印夫人諸宮乳哺夫人抱

送夫人撫育夫人托生化婆神永安留守查

元帥武安留守邊元帥節度使左監門魏元

帥都統軍使右監門趙元帥都監軍使先鋒

刀元帥五帥部下精兵猛將左右岳許二元

帥左右行宮侍御從官司祿司勳司士司書

列位曹僚司農司祿典絲掌葛列位曹僚司

市掌貨考工飭材列位曹僚厨官優官伶官

天捷神捷人捷掌上掌籤掌杯掌需傳夢童

子神局節級直殿直符香官使者靈濟官土

地合屬威靈恭望

聖慈俯垂洞鑒臣聞生天生地混成一炁之

宗司陰司陽妙散萬殊之象列日月星辰於

乾造奠山川海嶽於坤維品物流形惟人為

貴凡因生成之類悉依化育之仁臣某韋際

夙緣獲親正教普星服羽霄霽雨露之深恩

領職行科籲獻

玄元之妙化凡有祈告願賜感通且等欽奉

聖旨崇修清醮集福邦家以今清旦行道請

法眾等運茲初捨上香和香至靈濟宮過九

天金闕成華蓋供養

顯靈濟濟洪恩真君

願此香煙供養

九天金闕洪恩真君靈濟宮真仙聖眾臣等

歸身歸神歸命

具君眾聖以是捨香功德上祝

皇帝陛下恭願道契唐虞功侔軒昊垂衣御極車書昭文軌之同負宸朝元玉帛來梯航之遠福壽永臻於

聖體忠良克贊於

皇猷今故燒香自皈依

真君大聖眾至真之德得道之後保天長存和與道合真

以今清旦行道請法眾等運茲三捨上香和香至靈濟宮過九天玉關成寶蓋供養

昭靈博濟洪恩真君

願此香煙供養

九天玉關洪恩真君靈濟宮真仙聖眾等歸身歸神歸命

真君聖眾願以是捨香功德歸流四嶽九牧庶尹百寮彬彬佐運秩秩同仁寅亮而弼

一人獻納而毗庶政恭惟

真君協贊玄功主張聖化輔

皇朝之弘大億萬斯年顯神道之昭明二五

合德今故燒香自皈依

真君大聖眾至真之德得道之後永保長寧

和與道合真

以今清旦行道請法眾等運茲三捨上香和香至靈濟宮過九天玉關成寶蓋供養

靈濟宮真仙聖眾

願此香煙供養

聖父聖母仙妃眷屬靈濟宮真仙聖眾等皈身皈神皈命

真君聖眾願以是捨香功德歸流九州四海天下蒼生百室盈而婦子寧五穀熟而人民

育恭惟

聖父聖母仙妃眷屬注生堂一切聖眾九天稱慶五帝監生周圓三炁之英華混合二儀之精粹生報育秀鑒黎民伸精祈懇禱之誠招神攝風使比屋獲嗣續蟬聯之美凡伸皈向悉遂感通今故燒香自皈依

真君大聖眾至真之德得道之後永保長生和與道合真

唱方

懺悔

三啓

三禮

重稱法位

具位恭與臨壇官眾等謹重識上啓

聖位 伏聞九炁網緼結生根於紫戶三元育養凝命帝於黃房故胞胎魂魄命之周圓

藉赤白青黃黑之混合敬諾敬順符驚天駭地之祥唱奉唱恭契負陰抱陽之妙雖賦形於中土實受炁於一玄臣等欽承

上命溥為下民修齋誦經燒香行道昭靈麻於遐邇集景福於邦家伏冀

廣沛洪恩誕敷玄造凡庶情之有懇惟大德之無私生身蒙嗣續之榮上世免若教之嘆

上願三光煥耀四炁朗清風雨均調生民樂育則上明

真君大慈之化下副臣等皈命之誠謹啓以聞

聞

十二願

存神燒香

香官使者左右神君侍香諸靈官當今向來早朝之所自然生金液丹碧芝英百寶衆真